

ձեռք են տալիս, գիւղացին խօսքի բռնում ու չիր թոցնում:

Պատու մամերը շտապում են տուն, ծանր կողովներ բռնած, եւ իրենց գլուխը դողդողում է հաստափոր ձուկերի պոչերի նման:

Փողոցները բախում են մէկը միւսի դէմ, եւ ձիւնը տանիքներից վայր է թափւում, երբ երախաները բարձր ծիծաղում են:

Մի տեղ՝ եկեղեցի: Բլուրի կողքին մի ուրիշ եկեղեցի ու աւելի հեռում մի ուրիշը: Մոմերը վառուած են, դռները բաց են եւ ճանապարհները խուժում են լոյսերի վրայ:

Պատարագ են ասում: Չանգակները երերում են եւ լոյսը հողիների մէջ այնպէս է, ինչպէս զանգակները, որ երերում են:

\* \* \*

Նոր Բայազետի գործկոմը, հրացանը ուսին, մտածկոտ ման է գալիս: Տխուր է: Կարծես իր սրտի սոխակը ոտքի տակ ճզմել է: Ներսը կրակ են վառել, բայց ցուրտ է: Ման է գալիս միս մինակ եւ զիտական բոլոր նախադասութիւնները մոռացել է:

Վարը գիւղաքաղաքը շարժումի մէջ է: Ամէն ոք եկեղեցի է գնում, մոմ վառում, պատարագ լսում:

Վերայիշում է իր գիւղը, մանկութիւնը, տօնական օրի անհամբեր սպասումը: Հրացանը ուսից վար է սահում: Ուղղում է, «Տգիտութիւն, ագիտութիւն», — մտածում է ու քայլերը արագացնում:

Եկեղեցու խաչը աչքերի մէջ այրւում է:

Տխուր է:

Կարծես իր սրտի սոխակը ոտքի տակ ճզմել է:

— Ընկեր գործկոմ, տելեֆօնը կանչում աս...

— Եկա՛յ:

Հեռաձայնը հիւանդ աքլորի նման պատուհանի ապակիների վրայ կանչում է: Գործկոմը հրացանը վար է գնում և շտապ մօտենում գործիքին: Այդ միջոցին եկեղեցիի զանգը բամբ դողանջումով սկսում է հնչել:

— Ծոօ՛, կոօ՛... Այս անիծեա՛լ զանգը... Բալասան Իլանիչ, դու ե՞ս... Ելենովկա՞... Հա՛, Հա՛... Ինչպէ՞ս... Աղբէր ժամի զրնգոցը չի թողնում թէ լսեմ... Յեկա՞ն...

հրամայում աս... պատանաւալեմի... Հակահրօնական ցոյցե՞ր... Յը՛... —

Տաւարի՛չ Առաքել, Երիտմիութիւնը ժողովի հրաւիրիր անմիջապէ՛ս. հրամայում են Հակահրօնական ցոյց սարքել...

— Երիտմիութիւնը գնացել աս ժամ...

— Դէ, մի բան արա...

Տաւարիչ Առաքելը դուրս է գնում:

Իսկ վերջալոյսի զրնգոց ճառագայթները, հեռաւոր եկեղեցական շարականների հետ խառնուած, դալիս բախում են գործկոմի սիրտը, ձեռքերի մէջ տենդ գնում, ճակատի վրայ բոյն կազմում ու տրորում ամբողջ իր էութիւնը:

Գործկոմը մօտենում է պատուհանին, մի քիչ բաց անում ու ախանջ գնում:

Յետոյ վայր է ընկնում աթոռի վրայ ու քթի տակ մրմռում. —

Այսօր տօ՛ն է...

Այդ միջոցին տաւարիչ Առաքելը մտել է ժամ: Տեղ չկայ որ շարժուի: Մատերի վրայ բարձրանում է, դէս դէն նայում, որպէսզի ժողովուրդը չկարծէ, որ աղօթելու է եկել: Երիտմիութիւնը՝ շա՛ն որդիք՝ շապիկ են հագել, խմբի մէջ երգում են:

Տաւարիչ Առաքելը գլուխը վեր է բարձրացնում, բարկացած չորս կողմը նայում, բարձր հագում, զլխարկը ձեռքերի մէջ տրորում յետոյ օդի մէջ շարժում, երգեցիկ խմբի կողմը նշաններ անում՝ ոչ ոք չի նայում: Բարկանում է, աչքերը կոպերի տակ պտոյտ են գալիս, փայլում, չուում: Նորից հագում է, ոտքը ոտքին խփում, գլխարկը ճզմում: Ո՛ւֆ...

Եկեղեցին լիքն է եւ լուսաւոր: Մոմակալների առջեւ անհամար մոմեր են վառուած: Սեղանի ոսկիների միջից բուրվառը շարժւում է խունկի անուշ հոտը տարածելով, եւ մշուշի մէջ ճրագները կայծկւում են երազի պէս: Երգերն էլ՝ այնքա՛ն ծանօթ... Առաքելը մի ինչ որ թմբածուփիւն է զգում, անօթի փորով խմած գինու նման մթնոլորտը գինովութիւն է տալիս նրան, սրտի մէջ լուսաւոր վէրք բաց անում... Առաքելը զգում է վտանգը, ուզում է դուրս փախչել, բայց յիշելով գործկոմի հրամանը, դէպի դուռը ուղղուելու տեղ, հըր-